



UNIVERSITÄTS-  
BIBLIOTHEK  
PADERBORN

## Universitätsbibliothek Paderborn

### **Aphorismi Confessariorvm Ex Doctorvm sententijs collecti**

**Sá, Manuel de**

**Coloniae, 1610**

Missæ auditio.

**urn:nbn:de:hbz:466:1-41645**

*Missæ auditio, vide Missa.*

1 Non potest Episcopus cogere ad audiendam Missam, aut concionem in Parochia, aut ad discendam ibi doctrinam Christianam. *Ex Congr. Concil.*

\* De præcepto Missam audiendi *Carbo de præceptis Ecclesiæ, Azor. l. 7. c. 1. Suarez d. 88. Nau. c. 21. à num. 21. Tol. l. 6. à c. 6.*

2 Satisfacit Ecclesiæ præcepto, qui incipit Missam audire ab Epistola, & secundum quosdam, etiam ab Euangelio: & qui post Epistolam vel Euangelium veniens, legit aut audit à legente, quæ non audiuit: & qui tempore Missæ discurret pro rebus Missæ necessarijs, & qui præsens est, etiamsi non audiat, modo reuerenter attendat: & qui partem vnius Missæ audiuit, & reliquam alterius: & qui audiens sacrum, simul dicit Officium, aut pœnitentiam iniunctam; id tamen quidam non admittunt.

\* Epist. *Sot. d. 13. q. 2. art. 1.*

Euangelio } *Lopez p. 1. c. 32. at Sot. l. c. tutum non esse ait Euangelium non audite.*

Legit } *ita Nau. c. 21. nu. 2. quam reprehendit Suarez d. 88. sect. col. 2.*

Qui partem } *Azor. l. c. q. 3. Sot. Nauar. l. c. Tol. l. c. cap. 7. num. 8. Suar. l. c.*

Simul dicit } *Nauar. l. c. num. 8. To. Med. q. 44. de confess. Tol. l. c. 6. numer. 5. Azor. l. c. q. 3. c. 5.*

Suarez l.c. sect. 4. in fine, Sot. l. c. Vide Carbonem de audienda Missa c. 9.

Non admittuntur Aug. vers. Ferie nu. 46. Syl. Missa. 2. §. vlt.

3 Excusat Missam non audientem legitimū impedimentū, & quævis rationalis causa, vt si herus impediatur, aut foemina prodeundo est alicui peccati occasio; & consuetudo, vt puellarū quæ non solent domo egredi; & custodia domus; & pudor ob vestem non decentem, & Ecclesiae distantia debilem.

\* De causis excusantibus Azor. l. c. c. 7. Tol. l. c. c. 9. Nau. l. c. nu. 3. Suar. l. c. sect. 16.

Excusatur etiam excommunicatus, & interdictus licet sit negligens in quærenda absolutione. Nau. l. c. Suar. d. 88. sect. 6.

Foemina potest omittere sacrum, sed non tenetur. Sot. l. c.

4 Tempore interdicti habentem priuilegium teneri Sacrum audire, quidam negant alij probabilius affirmant.

\* Negantur Improbabilem Suarez l. c. col. 2. hanc sententiam putat.

Affirmantur Sot. Suar. Nau. l. c.

5 Tenetur paterfamilias curare, vt domesticis sacrum audiant. Nau. l. c. num. 9.

6 Transiens per locum vbi est festum particulare, non tenetur audire sacrum: secus est si inde recedat, aut eò accedat.

7 Non relinquenda in festo Missa ob concionem,

cionem, vñ quidam putant.

\* *Suar. l. c. sec. 6. in fin. { Vt quidam } Ang. l. c.*

8 Sufficit in festo Natiuitatis audire vnā Missam, & in quouis festo audire Missam quæ dicitur, etiam pro defunctis.

\* *Naua. l. c. num. 2. Suarez sect. 2. in fine, etiam illa, quæ noctu dicitur, Syl. Missa. 2. §. 1.*

Defunctis } *Syl. l. c. §. 4. Azor. l. c. q. penult.*

Qui ex voto tenetur alteram Missam audire die festo, satisfaciet si duos Sacerdotes eodem tempore celebrantes audiat. ita *Maior. 4. d. 12. q. 8. Suarez l. c. in fine, sic horæ recitantur, & auditur sacrum.*

9 Missa excommunicati non denunciari potest audiri; itemque, secundum quosdam suspensi etiam denunciati, si absit scandalum, vel cooperando. Verum oppositum colligitur ex c. *Vestra, & c. Quæsitum, de cohabitatione, & c. Nullus, & c. Præter hæc, d. 32.*

\* *Sot. d. 13. q. 1. art. 9.*

Potest audiri Missa etiam publici concubinarij, si nondum sit denunciatus excommunicatus. *Suar. l. c. sect. 6. in fine.*

Qui græcam Missam audiret nihil intelligens præcepto satisfaceret. *Sot. Azor. l. c.*

*Monasterium, vide Ecclesia, Excommunicatio.*

**M**onasterium ingredi potest, qui potest dare ingrediendi licentiam. \* *Vide*

*Trid.*